



U skladu sa članom 20a. st. (1) i (2) Zakona o radu („Službene novine F BiH“ br. 26/16, 89/18 i 44/22) i članom 4. Uredbe o postupku prijema u radni odnos u javnom sektoru u Federaciji BiH („Službene novine F BiH“ broj: 13/19, 9/21 i 53/21), na osnovu člana 15. Pravilnika o radu Dioničkog društva BH Telecom Sarajevo, br. 00.1-14-83950-2/22, 00.1-14-24850-3/23, 00.1-14-34495/23, 00.1-14-4411/24, 00.1-14-32878-2/24, 00.1-14-68904/24 i 00.1-14-68904-3/24, te u skladu sa tačkom II Odluke o objavljivanju javnog oglasa za prijem u radni odnos, broj: 03.2.3.2-45-61359-4/24 od 14.10.2024. godine, nakon pribavljene saglasnosti Federalnog ministarstva prometa i komunikacija, broj: 07/1-45-1039/24 od 23.05.2024. godine, vršilac dužnosti izvršnog direktora Izvršne direkcije za pravne poslove, upravljanje organizacijom i ljudskim resursima Dioničkog društva BH Telecom Sarajevo objavljuje

JAVNI OGLAS

za prijem radnika u radni odnos u Izvršnoj direkciji za tehnologiju i razvoj servisa Dioničkog društva BH Telecom Sarajevo, na neodređeno vrijeme, na radna mjesta kako slijedi:

- 1) **116. Tehničar, SSS – 2 (dva) izvršioca** u Službi za RAN Mostar, Sektora za radio pristupnu mrežu, Direkcije za mrežnu infrastrukturu, uz probni rad u trajanju do 3 (tri) mjeseca,
- 2) **403. Stručni saradnik, VSS – 1 (jedan) izvršilac** u Sektoru za energetiku, uz probni rad u trajanju do 6 (šest) mjeseci, sa mjestom rada u Kantonu Sarajevo,
- 3) **427. Tehničar, SSS - 1 (jedan) izvršilac** u Službi za energetiku Tuzla, Sektor za energetiku, uz probni rad u trajanju do 3 (tri) mjeseca, sa mjestom rada u Tuzlanskom kantonu,
- 4) **438. Tehničar, SSS - 1 (jedan) izvršilac** u Službi za energetiku Zenica, Sektor za energetiku, uz probni rad u trajanju do 3 (tri) mjeseca, sa mjestom rada u Zeničko – dobojskom kantonu,
- 5) **445. Tehničar, SSS- 1 (jedan) izvršilac** u Službi za energetiku Bihać, Sektor za energetiku, uz probni rad u trajanju do 3 (tri) mjeseca, sa mjestom rada u Unsko - sanskom kantonu,
- 6) **457. Elektičar, KV - 1 (jedan) izvršilac** u Službi za energetiku Mostar, Sektor za energetiku, uz probni rad u trajanju do 3 (tri) mjeseca, sa mjestom rada u Hercegovačko – neretvanskom kantonu.

Kratak opis poslova za radno mjesto pod 1)

1. Učestvuje u poslovima održavanja, otklanjanja smetnji i izgradnje radio pristupnih mreža;
2. Vršiti poslove pregleda opreme i uređaja, te otklanjanje nedostataka;
3. Obavlja poslove na održavanju i izgradnji radio pristupne mreže na visini i u različitim klimatskim uslovima na otvorenom prostoru, uz obezbjeđenje svih neophodni uslova za obavljane navedenih poslova (zakon zaštite na radu);
4. Obavlja poslove na montaži radio pristupne opreme;
5. Radi na visini;
6. Odgovara i izvještava za realizaciju naloga za koje je zadužen.

Kratak opis poslova za radno mjesto pod 2)

1. Prati razvoj energetike;
2. Unaprijeđuje, nadzire i kontroliše rad sistema energetike;
3. Koordinira sa službama energetike iz regija kod planiranja, nabavki, investicionog i redovnog održavanja energetike;
4. Učestvuje u izradi jedinstvene ITD i drugih dokumenata iz oblasti napajanja i klimatizacije;
5. Učestvuje u izradi tehničkih rješenja i dokumentacije na sistemima energetike;
6. Vodi i ažurira tehničku dokumentaciju za sisteme energetike;
7. Učestvuje u radu komisija;
8. Odgovoran je za kvalitet vlastitog rada u okviru stručne spreme i provođenje mjera lične i kolektivne zaštite na radu;
9. Predlaže mjere za poboljšanje kvaliteta rada.

Kratak opis poslova za radno mjesto pod 3), 4), 5)

1. Radi na terenu (rad se odvija u nepovoljnim mikroklimatskim uslovima i pod nepovoljnim uticajem atmosferskih uslova na otvorenom prostoru, niske temperature zimi i visoke temperature ljeti);
2. Radi na održavanju i ispitivanju električnih instalacija BS (izlaganje nejonizirajućim elektromagnetnim zračenjima);
3. Povremeno radi u postrojenjima TS 10/0.4 kV i kontinuirano radi na održavanju EE instalacija i priključaka 220/380 V;
4. Po potrebi diže teret (aku baterije koje su teške od 40 do 80 kg);
5. Vršiti poslove nadziranja rada i funkcionalnosti elektroenergetskih sistema i otklanjanja smetnji;
6. Pravi izvještaje o svim promjenama u radu elektroenergetskih uređaja;
7. Obavlja poslove na održavanju opreme i instrumenata;
8. Radi na održavanju, servisiranju i poslovima montaže i demontaže opreme iz domena rada Službe;

Kratak opis poslova za radno mjesto pod 6)

1. Radi na terenu (rad se odvija u nepovoljnim mikroklimatskim uslovima i pod nepovoljnim uticajem atmosferskih uslova na otvorenom prostoru, niske temperature zimi i visoke temperature ljeti);
2. Radi na održavanju i ispitivanju električnih instalacija BS (izlaganje nejonizirajućim elektromagnetnim zračenjima);
3. Povremeno radi u postrojenjima TS 10/0.4 kV i kontinuirano radi na održavanju EE instalacija i priključaka 220/380 V;
4. Po potrebi diže teret (aku baterije koje su teške od 40 do 80 kg);
5. Vršiti nadzor, upravljanje i manje tekuće održavanje elektroenergetskih uređaja i instalacija, trenutno izvještava o stanju i smetnjama na manjim objektima
6. Radi na demontaži starih i montaži novih elektroenergetskih uređaja i instalacija;
7. Provodi mjere PPZ i HTZ.

I OPŠTI USLOVI (za sva radna mjesta)

- da je kandidat državljanin Bosne i Hercegovine,
- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je u roku od 5 (pet) dana od dana konačnosti Odluke o prijemu u radni odnos, dostaviti ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju svim uslovima radnog mjesta, a koje nije starije od 3 (tri) mjeseca).

II POSEBNI USLOVI

Za radno mjesto pod 1)

- a) SSS (IV stepen stručne spreme) – sa završenom Srednjom elektrotehničkom ili drugom odgovarajućom tehnička škola
- b) Bez radnog iskustva u trajanju do 6 (šest) mjeseci ili sa radnim iskustvom nakon sticanja potrebne stručne spreme u trajanju od minimalno 6 (šest) mjeseci i
- c) Vozačka dozvola „B“ kategorije.

Za radno mjesto pod 2)

- a) VSS (VII stepen stručne spreme ili visoko obrazovanje prvog ili drugog ciklusa stečeno po Bolonjskom sistemu studiranja sa 240 ECTS u istoj struci) - sa završenim:
 - Elektrotehničkim fakultetom, smjer: energetika ili elektronika – automatika ili
 - Mašinski fakultet, smjer: energetika,
- b) Bez radnog iskustva u trajanju do 1 (jedne) godine ili sa radnim iskustvom nakon sticanja potrebne stručne spreme u trajanju od minimalno 1 (jedne) godine i
- c) Vozačka dozvola „B“ kategorije.

Za radna mjesta pod 3) i 5)

- a) SSS (IV stepen stručne spreme) - sa završenom srednjom Elektrotehničkom školom ili drugom odgovarajućom srednjom školom elektrotehničkog smijera,
- b) bez radnog iskustva u trajanju do 6 (šest) mjeseci ili sa radnim iskustvom nakon sticanja potrebne stručne spreme u trajanju od minimalno 6 (šest) mjeseci i
- c) Vozačka dozvola „B“ kategorije.

Za radno mjesto pod 4)

- a) SSS (IV stepen stručne spreme) - sa završenom srednjom Elektrotehničkom školom, Mašinskom školom ili drugom odgovarajućom srednjom školom tehničkog smijera,
- b) Bez radnog iskustva u trajanju do 6 (šest) mjeseci ili sa radnim iskustvom nakon sticanja potrebne stručne spreme u trajanju od minimalno 6 (šest) mjeseci i
- c) Vozačka dozvola „B“ kategorije.

Za radna mjesto pod 6)

- a) KV (III stepen stručne spreme) - sa završenom Elektrotehničkom školom ili drugom odgovarajućom školom elektro smijera,
- b) bez radnog iskustva u trajanju do 6 (šest) mjeseci ili sa radnim iskustvom nakon sticanja potrebne stručne spreme u trajanju od minimalno 6 (šest) mjeseci i
- c) Vozačka dozvola „B“ kategorije.

III NAČIN PRIJAVE (za sva radna mjesta)

Kandidat je dužan dostaviti svojeručno potpisanu prijavu, uz koju je poželjno dostaviti biografiju (CV).

Uz prijavu se **obavezno dostavlja original ili ovjerena kopija** sljedećih dokaza:

Za radna mjesto pod 1), 3), 4), 5) i 6)

- Uvjerenje o državljanstvu (koje ne može biti starije od šest mjeseci),
- Diploma ili svjedočanstvo o završenom školovanju, kao dokaz o posjedovanju tražene stručne spreme i
- Dokaz o posjedovanju vozačke dozvole "B" kategorije.

Za radno mjesto pod 2)

- Uvjerenje o državljanstvu (koje ne može biti starije od šest mjeseci),
 - Diploma/ diplome o sticanju tražene stručne spreme,
 - Dodatak diplomu/ diplomama (za kandidate koji su završili studij po bolonjskom sistemu studiranja),
- (Napomena: Kandidati koji su završili I ciklus studija u trajanju od 6 (šest) semestara po Bolonjskom sistemu studiranja i stekli 180 ECTS bodova, dužni su dostaviti diplome i dodatak diplomama I i II ciklus studija u istoj struci.
- Kandidati koji su u toku trajanja I ciklusa studija po Bolonjskom sistemu studiranja stekli 240 ECTS bodova, nisu dužni dostaviti diplomu i dodatak diplomu za II ciklus studija) i
- Dokaz o posjedovanju vozačke dozvole „B“ kategorije.

NAPOMENA I

U slučaju da u toku postupka izbora kandidata za prijem u radni odnos, neki od kandidata ostvare jednak broj bodova, prednost pri zapošljavanju pod jednakim uvjetima u skladu sa Zakonom o pravima boraca i članovima njihovih porodica („Sl. novine FBiH“, br. 33/2004, 56/2005, 70/2007, 9/2027 i 29/2022) imat će kandidat koji ima svojstvo demobiliziranog branioca, člana porodice demobiliziranog branioca, djeteta šehida - poginulog branioca, umrlog ratnog vojnog invalida, ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidat ostvaruje, samo ukoliko pored opštih i posebnih uslova javnog oglasa, ispunjava i sljedeće:

- da je nezaposleno lice i
- da je demobilizirani branilac ili član njegove porodice, ili da je dijete šehida – poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidati dokazuju dostavljanjem sljedećih dokaza:

- Uvjerenje o statusu nezaposlenog lica izdato od nadležnog organa za vođenje evidencije o nezaposlenim licima, ne starije od 15 dana od dana izdavanja i
- Rješenje/uvjerenje nadležnog organa o priznavanju svojstva demobiliziranog branioca, člana porodice demobiliziranog branioca, svojstva djeteta šehida-poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

NAPOMENA II

- a) Prijava kandidata koja ne bude sadržavala sve dokaze zahtijevane javnim oglasom odbacit će se kao nepotpuna.**
- b) Neuredne, nepotpune i neblagovremene prijave neće se uzeti u razmatranje.**
- c) Sa kandidatima za radno mjesto 1), 3), 4), 5) i 6), a čije prijave budu blagovremene, uredne i potpune održati će se usmeni ispit, dok Komisija za izbor kandidata za prijem u radni odnos može Planom rada predvidjeti održavanje i pismenog/i ili praktičnog ispita, a o čemu će kandidati biti blagovremeno obaviješteni.**
- d) Sa kandidatima za radno mjesto 2), a čije prijave budu blagovremene, uredne i potpune održati će se usmeni ispit i pismeni ispit, dok Komisija za izbor kandidata za prijem u radni odnos može Planom rada predvidjeti održavanje i praktičnog ispita, a o čemu će kandidati biti blagovremeno obaviješteni.**
- e) Kandidati koji se ne odazovu/ ne pristupe svim ispitima koji su predviđeni Planom rada Komisije, gube pravo na učešće u daljem postupku izbora kandidata-za sva radna mjesta.**
- f) Kandidat se sa jednom prijavom može prijaviti na više pozicija iz ovog oglasa, uz obavezu navođenja pozicija na koje se prijavljuje.**

IV Rok za podnošenje prijava na ovaj javni oglas je do 23.10.2024. godine.

Prijave sa dokazima o ispunjavanju uslova traženih javnim oglasom, dostavljaju se u zatvorenoj koverti neposredno na protokol Dioničkog društva BH Telecom Sarajevo ili putem pošte na adresu:

**Dioničko društvo BH Telecom Sarajevo
Sa naznakom "Prijava na javni oglas za radno mjesto
(navesti broj i naziv radnog mjesta)
u izvršnoj direkciji za tehnologiju i razvoj servisa - ne otvarati"
ul. Franca Lehara br.7
71 000 Sarajevo**

Dokumentacija priložena uz prijavu će se čuvati 1 (jednu) godinu nakon izvršenog izbora kandidata (u slučaju sudskog spora, dok traje spor), te istu kandidat može, uz prethodno podneseni zahtjev, preuzeti na protokolu Dioničkog društva BH Telecom Sarajevo nakon okončanja javnog oglasa. Zahtjev za izuzimanje dokumentacije kandidat može podnijeti u roku od 1 (jedne) godine od dana izbora kandidata, putem protokola Dioničkog društva BH Telecom Sarajevo na naprijed navedenoj adresi, nakon čega će dostavljena dokumentacija biti uništena.

Dioničko društvo BH Telecom Sarajevo će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnik.

Upute za apliciranje na javne oglase u Dioničkom društvu BH Telecom Sarajevo možete naći na sljedećem linku: <https://www.bhtelecom.ba/karijera/>.

